

آبونه شرائطی

ممالك عثمانیه ده سنه لکی (۶۵)، آلتی  
آیلغی (۳۵) غروشدر.  
ممالك اجنیه ده سنه لکی (۸۰)، آلتی  
آیلغی (۴۵) غروشدر.

اداره خانه

باب عالی جاده سننده دائرة مخصوصه

اخطارات

آبونه بدلی پشیندر.

مسلكه موافق آثار مع المومنه قبول  
اولنور . درج ابدله یزیر اعاده  
اولونماز .

# الکمال

۱۳۳۴

دینی ، فلسفی ، علمی ، ادبی هفته لقی مجموعه اسلامیه در

صاحب و مدیر مسئول

باش محرر

اشرف الیوب

محمد شا کف

والله یهدی من یشاء الی صراط مستقیم

اتبعون اهدکم سبیل الرشاد

تماماً و کاملاً غائب ایتک دیمکدر . بوندن تولد ایده بیلجک نتایج ایسه وارسته شرح و ایضاحدر .

آفریقا اسلامیری و فرانسیزک امریکسی . — آتته غزتهلرینک استخباراتنه نظراً فرانسیز محافل سیاسیه و عسکریه سی ، شمالی آفریقا ده اهالی اسلامیه نك فرانسیز حاکمیتنه کارشومشهود اولمغه باشلاپان هدم خشنودیسسی یوزندن اندیشه ایچنده درلر . ( تان ) غزتهسی دخی ، شمالی آفریقا اسلاملرینک وضعیت اخیرهنی موضوع بحث ایده رک فرانسه نك جزائر ، تونس و فاسده کی آتیسسی اندیشه بخش بر لسانله تصویر ایدیور . دیگر بعض غزتهلر دخی فرانسه ایچون برتهلکه تشکیل ایتکه باشلایان شمالی آفریقا مسئله سیله اشتغاله باشلامشدر .

ناقصی زکوره . — نویورق دین تائیس غزته سنه یازیلور : « حریدن دولای ضایع اولان نفوسک تلافیسی مقصدیله اجتماعیون ، متفکرین و رجال حکومتدن متشکل برهیئتک پروسیا مجلس اعیاننده اجتماع ایتسی بوراده ( نویورقده ) بویوک بر اهمیتله تلقی اولونمقدهدر . بوجلسده آلمان ارککلرینک تزیادینی تأمیننه عائد بر لامحه ترتیب ایدلمشدر . مذاکرات اثناسنده : معین اولان سن ازدواجک لغوی ، ازدواجه مقتدر اولامیانلره هردلو معاونت ، بیوک عائله لری تشویق ، بکارلره ، اولمین قیزلره ، هیچ جوجوقسز ویا ایکی جوجوقله اکتفا ایدن عائله لره آغیر صورتده ویرکو طرحی ، هرفرده افراد ملتی تکثیر ایتنه نك بروطفه وطنیه اولدیغنی کایسا و مکتبلر واسطه سیله تلقین وسائر کبی بر طاقم مطالعه لر بیان اولونمشدر .

آمریقا « طبی اجتماعیات » جمعیتی رئیس دوقتور « روبنسون » محاربه دن مقدم آلمان قادینلرینک نفوسجه ارککلردن اوچ ملیون زیاده اولدیغنی و محاربه دن دولای بونستسنزلکک تزیادینی یک طبیعی کوره رک یاقینده تعدد زوجاتک آلمانیاچه قبول ایدیلجکنی تخمین ایدیور .

اثر منتشره :

ایچکی بلیه سی

و

نورتولانک چاره لری

عنوانیله دوقتور میلاسی اسماعیل حقیک قاردمشز طرفندن یازیلوب مدافعه ملیه جمعیتی معرفتیله باصیلان آری اوقودق . یک فاضل ، ماتی و وطنی ایچون یک خیر خواه اولان محرم محترمنه عن صمیم القلب تشکرلر ایدرز . صنعتده جدأ حاذق ، مملکتیمزک احواله تمامیله واقف اولان معزز دوقتوریمزک بواثرینی سوکیلی قارئلریمزه توصیه الک متحتم بر وظیفه مزدر . هرکسک اوقویوب هرکسک آکلاماسی ایچون یازیلش اولان بو کتابی قمار وفحش بلیه لرینده عینی لسان ایله تشریح ایدجک دیگر ایکی اثرک ده تعقیب ایتسی یک لازمدر . امید ایدرزک اسماعیل حقیک قاردمشز بولزومی بزدن تحسوق اول ادراک ایتش ؛ حتی اثرینک اساسلرینی بیله حاضر لامشدر . جناب حق مساعیسی مشکور ایتسین .

اشرف ارباب

نجم استقبال مطبوعه سی

ایده بیلیر . صلح زماننده وهر شیتک بولانی ایچنده ناصل حرکت ایدیلسه جائزدر . فقط حوایج ضرورته نك فیثاتی آله بیلدیکنه تزیید ایتک ، الک اوافق شبهه محل اولقسنزین قطعاً اخلاق و انصافه منابردر . خصوصیه اوله بر زمانده که فردک اقتصادی قوتی بالضروره آزالمشدر . فقط هرشیدن اول تحمل اولونه مایه جق بر جهت واردرکه اوده ملتک ایکی قسمه آریله رقی بر قسمک ضرورت چکمه سنه وهر درلو فداکارلره قاتلامسینه مقابل دیگر قسمک ضرورتزده فداکارلر ضررینه اوله رقی آشیری آشیری منفعتلر آله ایلهمکده بولونمیسدر .

خلافت و سلطنت اسلامیه نك شمشعه اقبالی

ناطق هایون حضرت خلافتیناهی وسیله سیله صوفیه ده منتشر « تودو بولناری » غزته سی مطالعات آتیه ده بولونمشدر .

« سلطنت عثمانیه ؛ رجال دولتی طرفندن ابراز اولونان کیاست و حیثیتک ، عسکرینک کوسترمش اولدینی ثبات و بسالتک ثمراتی حربک ختامندن اول انتظاف ایدجکدر . دولت علیه شیمیدی به قدر آله ابتدکی نتایجله بحق افتخار ایده بیلیر . اولا سلطنت عثمانیه نك عالم اسلام اوزرنده حائز اولدینی نفوذ و شرف یکی بر رونقده شمشه پاش اولش ؛ بوغازلرک مدافعه قهرمانانه و مظفرانه سی ایسه همانلی شهرت عسکریه سی یکیدن پارلاق بر صورتده تأیید و توثیق ایلهمشدر .

خلافتک محافظه و وقایه سنی درعهده ایدن و بوتون عالم اسلامک محبت و مظاهرتنه مظهر اولان سلطنت عثمانیه بین الملل حائز اولدینی وضعیت سیاسیه یی قطعی اجرا آت ایله اصلاح ایتکده منافع عیدیه کورمش ایدی . همانلی ناظرلری درایت و طنپورانه لری سایه سنده تعقیب اولونه جق طریق وهله اولاده تقدیر ایتدیلر . بعدا دولت علیه ، عالم اسلامک مظاهرتی و دوستلرینک امن و اعتمادلیله محاط اوله رقی بالجمله قوای معنویه و مادیه سی کمال امنیتله اصلاح ایلهمشدر .

انسانیتی بو کسه لده جک مسلمان مدنیتی در

اقدام رفیقیمزک صاحب امتیازی احمد جودت بکک لوزاندن

کوندروب « ۶۷۴۳ » نومرولی نسخه ده مندرج باش مقاله سندن :

« صلاح الدین ایوبی نك قبرینی تکریم ایدن آلمانیا امپراطوری یک کوزل آکلادی که ائتلاف مریک سیاسی واداری اخلاصزلیله قاره لیمقه اولان اوروپا مدینتی ، بر مسلمان مدینتی اضمحلالدن قورتاره بیلور و بو مدینت بر انکشاف زمیننه ابرسه انسانیتک آتیس ایچون بویوک بر امید بخش ایدر . حکیمانه بر نظر اعتراف ایدرکه دائما انکشافدن منع ایدیش اولان اقوام اسلامیه نك مدینتیجه فیضنه یاردم ایتک بر وظیفه انسانیه و اخلاقیه در . »

برلین - استانبول یولی و اتحاد اسلام قوتی

پارسله منتشر ( ژورنال ) غزته سنده ( سن بریس ) امضاسیله نشر اولونان و ائتلاف مریک بالقانلره قوای عسکریه کوندروسی لزومندن باحث بولونان بر مقاله ده برلین - استانبول یولنک کشادی ایله عالم اسلامده وقوعه کله جک انقلاب عظیم بروجه زیر ایضاح ایدلمکده در : « عموم ائتلاف مریک دولترینک زیر اداسنده یک جوق اهالی اسلامیه واردر . روسیه چاری قفقاسیا و تورکستانده میلیونلره مسلمان تبعیه مالک اولدینی کبی انکتره نك هندستانده کی حاکمیتی ( ۸۰ ) میلیون مسلمانک صداقتی سایه سنده بقا بواقدهدر . مصردن فاسه قدر امتداد ایدن ممالکده هب اسلامیت حکمراندر . آفریقانک اوج ربی اهل اسلام ایله مسکوندر . شتون و وقایع عالم ، ( هبالایا ) مسئله جیلانده کی قریه لردن ( آطلاس ) طاغری آرمسندکی کویله قدر انتشار ایتکدهدر . عالم اسلام ، اسلامیتک استقبالی تعیین ایده جک اولان جدال عمومی کال دقتله تعقیب ایدیور . اسلاملر ، ائتلاف زمهره سنک چناق قلمده دوجار اولدیری مغلوبیتی اوکرمشدر . بو شرائط تحتنده بی حرکت طوروب ، بالقانلرده ابراز فعالیت ایتهمک نفوذ و حیثیتیزی عالم اسلام نظرنده